

## ATODLEN 15

Erthygl 39(3)

### Mesurau arbennig ar gyfer rheoli Pydredd cylch tatws

#### Dehongli

##### 1. Yn yr Atodlen hon—

ystyr “blwyddyn dyfu gyntaf” (“*first growing year*”), yn achos mesurau sydd i’w cymryd mewn perthynas â man cynhyrchu halogedig, yw’r flwyddyn dyfu gyntaf yn dilyn y flwyddyn dyfu pryd y dynodir y man cynhyrchu yn halogedig at ddibenion Erthygl 5(1)(a) o Gyfarwyddeb 93/85/EEC;

ystyr “deunydd sy’n dueddol o gael plâu neu glefydau” (“*susceptible material*”) yw cloron neu blanhigion *Solanum tuberosum* L;

ystyr “gwrthrych” (“*object*”) yw unrhyw beiriant, cerbyd, llestr, storfa neu wrthrych arall, gan gynnwys deunydd pecynnu;

ystyr “halogedig” (“*contaminated*”) yw wedi ei ddynodi’n halogedig gan arolygydd at ddibenion Erthygl 5(1)(a) o Gyfarwyddeb 93/85/EEC;

ystyr “halogedig o bosibl” (“*possibly contaminated*”) yw wedi ei bennu’n halogedig o bosibl gan arolygydd at ddibenion Erthygl 5(1)(b) o Gyfarwyddeb 93/85/EEC;

ystyr “hysbysiad” (“*notice*”) [<sup>F1</sup>yn Rhan A i C] yw hysbysiad o dan erthygl 32;

[<sup>F2</sup>ystyr “profion swyddogol” (“*official testing*”) yw cynnal profion mewn labordy swyddogol neu labordy sydd o dan oruchwyliaeth swyddogol;]

ystyr “tatws hadyd ardystiedig” (“*certified seed potatoes*”) yw tatws hadyd cyn-sylfaenol, tatws hadyd sylfaenol neu datws hadyd ardystiedig fel y’u diffinir gan reoliad 2(1) o’r Rheoliadau Tatws Hadyd.

#### Diwygiadau Testunol

- F1** Geiriau yn Atod. 15 para. 1 wedi eu mewnosod (20.3.2019) gan Rheoliadau Iechyd Planhigion (Diwygio) (Cymru) (Ymadael â’r UE) 2019 (O.S. 2019/674), rhlau. 1(2)(a), **5(a)(ii)**
- F2** Geiriau yn Atod. 15 para. 1 wedi eu mewnosod (20.3.2019) gan Rheoliadau Iechyd Planhigion (Diwygio) (Cymru) (Ymadael â’r UE) 2019 (O.S. 2019/674), rhlau. 1(2)(a), **5(a)(i)**

#### Gwybodaeth Cychwyn

- I1** Atod. 15 para. 1 mewn grym ar 2.11.2018, gweler **erogl. 1(2)**

## [<sup>F3</sup>RHAN A

#### Diwygiadau Testunol

- F3** Atod. 15 Rhn. A wedi ei fewnosod (20.3.2019) gan Rheoliadau Iechyd Planhigion (Diwygio) (Cymru) (Ymadael â’r UE) 2019 (O.S. 2019/674), rhlau. 1(2)(a), **5(b)**

*Statws Golwg cyfnod mewn amser fel yr oedd ar 20/03/2019.*

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Gorchymyn Iechyd Planhigion (Cymru) 2018, ATODLEN 15. (See end of Document for details)*

## Arolygon swyddogol a phroffion swyddogol

**1A.** Rhaid i Weinidogion Cymru sicrhau y cynhelir arolygon swyddogol systematig ar gyfer Pydredd cylch tatws ar gloron *Solanum tuberosum* L. a, phan fo'n briodol, ar blanhigion *Solanum tuberosum* L., sy'n tarddu o Gymru yn unol ag Erthygl 2(1) o Gyfarwyddeb 93/85/EEC.

**1B.** Pan amheuir bod Pydredd cylch tatws yn bresennol mewn deunydd sy'n dueddol o gael plâu neu glefydau, rhaid i Weinidogion Cymru sicrhau—

- (a) bod profion swyddogol yn cael eu cynnal gan ddefnyddio'r dull a nodir yn Atodiad 1 i Gyfarwyddeb 93/85/EEC ac yn unol â'r amodau a bennir ym mhwynt 1 o Atodiad 2 i Gyfarwyddeb 93/85/EEC i gadarnhau ei fod yn bresennol neu beidio;
- (b) bod y pethau a ganlyn yn cael eu cadw, ac y cymerir camau priodol i'w diogelu hyd nes cwblheir y profion swyddogol—
  - (i) yr holl gloron a samplwyd, a phan fo'n bosibl, yr holl blanhigion a samplwyd;
  - (ii) unrhyw rin a deunydd paratoi ychwanegol ar gyfer y profion sgrinio;
  - (iii) yr holl ddogfennaeth berthnasol; ac
- (c) hyd nes y cadarnheir ei fod yn bresennol neu beidio, pan fo symptomau gweledol diagnostig sy'n peri amheuaeth ynghylch presenoldeb Pydredd cylch tatws wedi eu gweld, neu symptomau Pydredd cylch tatws wedi eu canfod gan brawf imiwnoffloroleuedd cadarnhaol neu brawf cadarnhaol priodol arall—
  - (i) bod symudiad yr holl lotiau neu lwythi y cymerwyd y samplau ohonynt, ac eithrio'r rhai sydd o dan reolaeth swyddogol, wedi ei wahardd, ac eithrio pan gadarnhawyd nad oes dim risg adnabyddadwy o ledaenu Pydredd cylch tatws;
  - (ii) bod camau yn cael eu cymryd i olrhain tarddiad yr achos a amheuir; a
  - (iii) bod camau rhagofalus priodol ychwanegol sy'n seiliedig ar lefel y risg dybiedig yn cael eu cymryd i atal y pla planhigion rhag lledaenu.

**1C.** Caiff hysbysiad gynnwys mesurau at ddibenion paragraff 1B(c)(i) i (iii).]

## [<sup>F4</sup>RHAN B

### Diwygiadau Testunol

**F4** Atod. 15 Rhn. B wedi ei fewnosod (20.3.2019) gan Rheoliadau Iechyd Planhigion (Diwygio) (Cymru) (Ymadael â'r UE) 2019 (O.S. 2019/674), rhlau. 1(2)(a), **5(b)**

## Mesurau i'w cymryd yn dilyn cadarnhau presenoldeb Pydredd cylch tatws

**1D.** Os yw presenoldeb Pydredd cylch tatws yn cael ei gadarnhau mewn sampl o ddeunydd sy'n dueddol o gael plâu neu glefydau yn dilyn profion swyddogol a gynhelir yn unol â pharagraff 1B(a) neu 1E, rhaid i Weinidogion Cymru sicrhau—

- (a) bod y deunydd sy'n dueddol o gael plâu neu glefydau, y llwyth neu'r lot ac unrhyw wrthrych y cymerwyd y sampl ohono a, phan fo'n briodol, y man cynhyrchu a'r cae y cynaeafwyd y deunydd sy'n dueddol o gael plâu neu glefydau ohonynt, yn cael eu dynodi yn halogedig gan arolygydd;
- (b) bod arolygydd yn canfod graddau'r halogi tebygol drwy gyffyrddiad cyn neu ar ôl cynaeafu neu drwy unrhyw gysylltiad cynhyrchu ag unrhyw beth a ddynodir yn halogedig

o dan is-baragraff (a), gan ystyried y darpariaethau ym mhwynt 1 o Atodiad 3 i Gyfarwyddeb 93/85/EEC;

- (c) bod parth yn cael ei ddarnodi gan arolygydd ar sail y dynodiad a wneir o dan is-baragraff (a), gan ystyried y darpariaethau ym mhwynt 2 o Atodiad 3 i Gyfarwyddeb 93/85/EEC.

**1E.** Pan fo deunydd sy'n dueddol o gael plâu neu glefydau wedi ei ddynodi yn halogedig o dan baragraff 1D(a), rhaid i Weinidogion Cymru sicrhau y cynhelir profion ar stociau tatws sy'n perthyn drwy glonio i'r deunydd hwnnw sy'n dueddol o gael plâu neu glefydau yn y dull a bennir ym mharagraff 1B er mwyn canfod prif ffynhonnell debygol yr haint, a graddau'r halogi tebygol.

**1F.** Rhaid cynnal unrhyw brofion o'r fath ar faint bynnag o ddeunydd sy'n dueddol o gael plâu neu glefydau ag sy'n angenrheidiol i ganfod prif ffynhonnell debygol yr haint, a graddau'r halogi tebygol.

**1G.** Rhaid i unrhyw ddynodiad gan arolygydd o dan y Rhan hon gael ei wneud drwy hysbysiad.

**1H.** Pan fo arolygydd yn canfod o dan baragraff 1D(b) bod unrhyw ddeunydd sy'n dueddol o gael plâu neu glefydau, neu unrhyw wrthrych, yn halogedig o bosibl, rhaid i'r arolygydd ddynodi drwy hysbysiad bod y deunydd hwnnw neu'r gwrthrych hwnnw yn halogedig o bosibl.]

## [<sup>F5</sup>RHAN C]

### Diwygiadau Testunol

**F5** Atod. 15 Rhn. C pennawd wedi ei fewnosod (20.3.2019) gan Rheoliadau Iechyd Planhigion (Diwygio) (Cymru) (Ymadael â'r UE) 2019 (O.S. 2019/674), rhlau. 1(2)(a), **5(b)**

### Deunydd sy'n dueddol o gael plâu neu glefydau neu wrthrychau sy'n halogedig neu'n halogedig o bosibl â Phydredd cylch tatws

2. Ni chaiff unrhyw berson blannu yn fwriadol, neu beri neu ganiatáu yn fwriadol i gael eu plannu—

- (a) unrhyw ddeunydd halogedig sy'n dueddol o gael plâu neu glefydau; neu  
(b) unrhyw ddeunydd halogedig o bosibl sy'n dueddol o gael plâu neu glefydau.

### Gwybodaeth Cychwyn

**I2** Atod. 15 para. 2 mewn grym ar 2.11.2018, gweler **ergl. 1(2)**

3. [<sup>F6</sup>Pan fo deunydd sy'n dueddol o gael plâu neu glefydau neu wrthrych wedi ei ddynodi yn halogedig neu'n halogedig o bosibl o dan Ran B, rhaid i arolygydd ddyroddi hysbysiad sy'n ei gwneud yn ofynnol]

- (a) [<sup>F7</sup>yn achos] deunydd halogedig sy'n dueddol o gael plâu neu glefydau [<sup>F8</sup>, fod y deunydd] yn cael ei waredu drwy ei ddinistrio neu drwy unrhyw fesur arall sy'n cydymffurfio â phwynt 1 o Atodiad IV i Gyfarwyddeb 93/85/EEC;
- (b) [<sup>F9</sup>yn achos] deunydd sy'n halogedig o bosibl sy'n dueddol o gael plâu neu glefydau [<sup>F10</sup>, fod y deunydd] yn cael ei ddefnyddio neu ei waredu yn unol â phwynt 2 o Atodiad IV i Gyfarwyddeb 93/85/EEC;
- (c) [<sup>F11</sup>yn achos] gwrthrych sy'n halogedig neu wrthrych sy'n halogedig o bosibl [<sup>F11</sup>, fod y gwrthrych] yn cael ei—

*Statws Golwg cyfnod mewn amser fel yr oedd ar 20/03/2019.*

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Gorchymyn Iechyd Planhigion (Cymru) 2018, ATODLEN 15. (See end of Document for details)*

- (i) gwaredu drwy ei ddinistrio; neu
- (ii) glanhau a'i ddiheintio er mwyn sicrhau nad oes unrhyw risg adnabyddadwy [<sup>F12</sup>bod Pydredd cylch tatws yn goroesi neu'n lledaenu].

#### Diwygiadau Testunol

- F6** Geiriau yn Atod. 15 para. 3 wedi eu amnewid (20.3.2019) gan Rheoliadau Iechyd Planhigion (Diwygio) (Cymru) (Ymadael â'r UE) 2019 (O.S. 2019/674), rhlau. 1(2)(a), **5(c)(i)**
- F7** Geiriau yn Atod. 15 para. 3(a) wedi eu amnewid (20.3.2019) gan Rheoliadau Iechyd Planhigion (Diwygio) (Cymru) (Ymadael â'r UE) 2019 (O.S. 2019/674), rhlau. 1(2)(a), **5(c)(ii)(aa)**
- F8** Geiriau yn Atod. 15 para. 3(a) wedi eu mewnosod (20.3.2019) gan Rheoliadau Iechyd Planhigion (Diwygio) (Cymru) (Ymadael â'r UE) 2019 (O.S. 2019/674), rhlau. 1(2)(a), **5(c)(ii)(bb)**
- F9** Geiriau yn Atod. 15 para. 3(b) wedi eu amnewid (20.3.2019) gan Rheoliadau Iechyd Planhigion (Diwygio) (Cymru) (Ymadael â'r UE) 2019 (O.S. 2019/674), rhlau. 1(2)(a), **5(c)(iii)(aa)**
- F10** Geiriau yn Atod. 15 para. 3(b) wedi eu mewnosod (20.3.2019) gan Rheoliadau Iechyd Planhigion (Diwygio) (Cymru) (Ymadael â'r UE) 2019 (O.S. 2019/674), rhlau. 1(2)(a), **5(c)(iii)(bb)**
- F11** Geiriau yn Atod. 15 para. 3(c) wedi eu amnewid (20.3.2019) gan Rheoliadau Iechyd Planhigion (Diwygio) (Cymru) (Ymadael â'r UE) 2019 (O.S. 2019/674), rhlau. 1(2)(a), **5(c)(iv)(aa)**
- F12** Geiriau yn Atod. 15 para. 3(c)(ii) wedi eu amnewid (20.3.2019) gan Rheoliadau Iechyd Planhigion (Diwygio) (Cymru) (Ymadael â'r UE) 2019 (O.S. 2019/674), rhlau. 1(2)(a), **5(c)(iv)(bb)**

#### Gwybodaeth Cychwyn

- I3** Atod. 15 para. 3 mewn grym ar 2.11.2018, gweler [ergl. 1\(2\)](#)

4. Ni chaniateir trin unrhyw beth a lanheir ac a ddiheintir yn unol â pharagraff 3(c)(ii) yn halogedig mwyach at ddibenion Cyfarwyddeb [93/85/EEC](#).

#### Gwybodaeth Cychwyn

- I4** Atod. 15 para. 4 mewn grym ar 2.11.2018, gweler [ergl. 1\(2\)](#)

#### Mesurau <sup>F13</sup>... mewn perthynas â man cynhyrchu halogedig

5. [<sup>F14</sup>Rhaid i] arolygydd gyflwyno'r hysbysiadau a ganlyn mewn perthynas â man cynhyrchu halogedig—

- (a) yn achos cae halogedig, hysbysiad sy'n cynnwys y set gyntaf o fesurau dileu neu hysbysiad sy'n cynnwys yr ail set o fesurau dileu;
- (b) yn achos cae nad yw'n halogedig, hysbysiad sy'n cynnwys y drydedd set o fesurau dileu.

#### Diwygiadau Testunol

- F13** Geiriau yn Atod. 15 para. 5 pennawd wedi eu hepgor (20.3.2019) yn rhinwedd Rheoliadau Iechyd Planhigion (Diwygio) (Cymru) (Ymadael â'r UE) 2019 (O.S. 2019/674), rhlau. 1(2)(a), **5(d)(i)**
- F14** Gair yn Atod. 15 para. 5 wedi ei amnewid (20.3.2019) gan Rheoliadau Iechyd Planhigion (Diwygio) (Cymru) (Ymadael â'r UE) 2019 (O.S. 2019/674), rhlau. 1(2)(a), **5(d)(ii)**

#### Gwybodaeth Cychwyn

- I5** Atod. 15 para. 5 mewn grym ar 2.11.2018, gweler [ergl. 1\(2\)](#)

6. Y set gyntaf o fesurau dileu yw—

- (a) y mesurau sydd i'w cymryd yn y cae o'r dyddiad y ceir yr hysbysiad ac am o leiaf dair blynedd dyfu o ddechrau'r flwyddyn dyfu gyntaf er mwyn dileu planhigion tatws gwirfoddol, ac unrhyw blanhigion eraill sy'n tyfu'n naturiol sy'n cynnal Pydredd cylch tatws;
- (b) gwaharddiad ar blannu unrhyw un neu ragor o'r canlynol yn y cae yn ystod y cyfnod hwnnw—
  - (i) cloron, planhigion neu wir hadau tatws;
  - (ii) planhigion sy'n tyfu'n naturiol sy'n cynnal Pydredd cylch tatws;
  - (iii) cnydau lle ceir risg bod Pydredd cylch tatws yn goroesi neu'n lledaenu;
- (c) gofyniad mai dim ond tatws ar gyfer cynhyrchu tatws bwyta y caniateir eu plannu yn y cae yn ystod y tymor cnydio tatws cyntaf yn dilyn y cyfnod hwnnw, ar yr amod y canfuwyd bod y cae yn rhydd rhag planhigion tatws gwirfoddol a phlanhigion eraill sy'n tyfu'n naturiol sy'n cynnal Pydredd cylch tatws am o leiaf ddwy flwyddyn dyfu yn olynol cyn plannu [F15, a bod y cloron a gynaeafir yn destun profion swyddogol gan ddefnyddio'r dull a nodir yn Atodiad 1 i Gyfarwyddeb 93/85/EEC]; a
- (d) gofyniad mai dim ond tatws ar gyfer cynhyrchu tatws hadyd neu datws bwyta y caniateir eu plannu yn y cae yn ystod y tymor cnydio tatws nesaf yn dilyn cylch cylchdroi priodol (rhaid i'r cylch hwnnw fod o leiaf ddwy flynedd pan fo'r tatws i'w plannu i gynhyrchu tatws hadyd).

#### Diwygiadau Testunol

**F15** Geiriau yn Atod. 15 para. 6(c) wedi eu mewnosod (20.3.2019) gan [Rheoliadau Iechyd Planhigion \(Diwygio\) \(Cymru\) \(Ymadael â'r UE\) 2019 \(O.S. 2019/674\)](#), rhlau. 1(2)(a), **5(e)**

#### Gwybodaeth Cychwyn

**I6** Atod. 15 para. 6 mewn grym ar 2.11.2018, gweler [ergl. 1\(2\)](#)

#### 7. Yr ail set o fesurau dileu yw—

- (a) y mesurau sydd i'w cymryd yn y cae o'r dyddiad y ceir yr hysbysiad ac am bedair blwyddyn dyfu o ddechrau'r flwyddyn dyfu gyntaf er mwyn dileu planhigion tatws gwirfoddol, a phlanhigion eraill sy'n tyfu'n naturiol sy'n cynnal Pydredd cylch tatws;
- (b) gofyniad bod y cae yn cael ei gadw, yn ystod y cyfnod hwnnw, yn fraenar neu'n dir pori parhaol, gan dorri'r borfa yn fyr neu bori'r tir yn ddwys yn fynych; ac
- (c) gofyniad mai dim ond tatws ar gyfer cynhyrchu [F16]hadyd neu datws] bwyta y caniateir eu plannu yn ystod y tymor cnydio tatws cyntaf yn dilyn y cyfnod hwnnw, ar yr amod y canfuwyd bod y cae yn rhydd rhag planhigion tatws gwirfoddol a phlanhigion eraill sy'n tyfu'n naturiol sy'n cynnal Pydredd cylch tatws am o leiaf ddwy flwyddyn dyfu yn olynol cyn plannu [F17, a bod y cloron a gynaeafir yn destun profion swyddogol gan ddefnyddio'r dull a nodir yn Atodiad 1 i Gyfarwyddeb 93/85/EEC].

#### Diwygiadau Testunol

**F16** Geiriau yn Atod. 15 para. 7(c) wedi eu mewnosod (20.3.2019) gan [Rheoliadau Iechyd Planhigion \(Diwygio\) \(Cymru\) \(Ymadael â'r UE\) 2019 \(O.S. 2019/674\)](#), rhlau. 1(2)(a), **5(f)(i)**

**F17** Geiriau yn Atod. 15 para. 7(c) wedi eu mewnosod (20.3.2019) gan [Rheoliadau Iechyd Planhigion \(Diwygio\) \(Cymru\) \(Ymadael â'r UE\) 2019 \(O.S. 2019/674\)](#), rhlau. 1(2)(a), **5(f)(ii)**

*Statws Golwg cyfnod mewn amser fel yr oedd ar 20/03/2019.*

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Gorchymyn Iechyd Planhigion (Cymru) 2018, ATODLEN 15. (See end of Document for details)*

### Gwybodaeth Cychwyn

**I7** Atod. 15 para. 7 mewn grym ar 2.11.2018, gweler [ergl. 1\(2\)](#)

#### 8. Y drydedd set o fesurau dileu yw—

- (a) [<sup>F18</sup>pan fo arolygydd wedi ei fodloni bod y risg o blanhigion tatws gwirfoddol a phlanhigion eraill sy'n tyfu'n naturiol sy'n cynnal Pydredd cylch tatws wedi ei dileu,] gwaharddiad ar blannu unrhyw un neu ragor o'r canlynol yn y cae o'r dyddiad y ceir yr hysbysiad ac am y flwyddyn dyfu gyntaf—
- (i) cloron, planhigion neu wir hadau tatws;
  - (ii) planhigion sy'n tyfu'n naturiol sy'n cynnal Pydredd cylch tatws; a
  - (iii) tatws hadyd ardystiedig, oni bai eu bod ar gyfer cynhyrchu tatws bwyta yn unig, <sup>F19</sup>...;
- (b) gofyniad mai dim ond y tatws a ganlyn y caniateir eu plannu ar gyfer cynhyrchu tatws hadyd neu datws bwyta yn y flwyddyn dyfu ganlynol—
- (i) tatws hadyd ardystiedig; a
  - (ii) tatws hadyd a brofwyd yn swyddogol ar gyfer absenoldeb Pydredd cylch tatws ac a dyfwyd o dan reolaeth swyddogol mewn man cynhyrchu nad yw'n fan cynhyrchu halogedig;
- (c) gofyniad mai dim ond tatws hadyd ardystiedig neu datws hadyd a dyfwyd o dan reolaeth swyddogol o datws hadyd ardystiedig y caniateir eu plannu i gynhyrchu tatws hadyd neu datws bwyta yn ystod o leiaf y drydedd flwyddyn dyfu; a
- (d) y mesurau sydd i'w cymryd yn y cae o'r dyddiad y ceir yr hysbysiad hyd at ddiwedd y drydedd flwyddyn dyfu er mwyn dileu planhigion tatws gwirfoddol, ac unrhyw blanhigion sy'n tyfu'n naturiol sy'n cynnal Pydredd cylch tatws [<sup>F20</sup>a gofyniad bod profion swyddogol yn cael eu cynnal ar gloron a gynaeafir ym mhob cae gan ddefnyddio'r dull a nodir yn Atodiad 1 i Gyfarwyddeb 93/85/EEC].

### Diwygiadau Testunol

**F18** Geiriau yn Atod. 15 para. 8(a) wedi eu mewnosod (20.3.2019) gan [Rheoliadau Iechyd Planhigion \(Diwygio\) \(Cymru\) \(Ymadael â'r UE\) 2019 \(O.S. 2019/674\)](#), rhlau. 1(2)(a), **5(g)(i)(aa)**

**F19** Geiriau yn Atod. 15 para. 8(a)(iii) wedi eu hepgor (20.3.2019) gan [Rheoliadau Iechyd Planhigion \(Diwygio\) \(Cymru\) \(Ymadael â'r UE\) 2019 \(O.S. 2019/674\)](#), rhlau. 1(2)(a), **5(g)(i)(bb)**

**F20** Geiriau yn Atod. 15 para. 8(d) wedi eu mewnosod (20.3.2019) gan [Rheoliadau Iechyd Planhigion \(Diwygio\) \(Cymru\) \(Ymadael â'r UE\) 2019 \(O.S. 2019/674\)](#), rhlau. 1(2)(a), **5(g)(ii)**

### Gwybodaeth Cychwyn

**I8** Atod. 15 para. 8 mewn grym ar 2.11.2018, gweler [ergl. 1\(2\)](#)

9. [<sup>F21</sup>Ac eithrio pan fo Gweinidogion Cymru wedi cyhoeddi hysbysiad o dan Ran D, rhaid] i hysbysiad mewn perthynas â man cynhyrchu halogedig bennu bod rhaid i'r holl beiriannau a chyfleusterau storio yn y man cynhyrchu a ddefnyddir i gynhyrchu tatws gael eu glanhau a'u diheintio fel nad oes unrhyw risg adnabyddadwy o ledaenu Pydredd cylch tatws drwy gydol y cyfnod a bennir yn yr hysbysiad.

### Diwygiadau Testunol

**F21** Geiriau yn Atod. 15 para. 9 wedi eu amnewid (20.3.2019) gan [Rheoliadau Iechyd Planhigion \(Diwygio\) \(Cymru\) \(Ymadael â'r UE\) 2019 \(O.S. 2019/674\)](#), rhlau. 1(2)(a), **5(h)**

**Gwybodaeth Cychwyn**

**I9** Atod. 15 para. 9 mewn grym ar 2.11.2018, gweler [ergl. 1\(2\)](#)

**10.** Caiff y mesurau y caniateir eu pennu mewn hysbysiad o dan baragraff 5 neu 9 gael eu cynnwys mewn hysbysiad gyda mesurau priodol eraill.

**Gwybodaeth Cychwyn**

**I10** Atod. 15 para. 10 mewn grym ar 2.11.2018, gweler [ergl. 1\(2\)](#)

[<sup>F22</sup>**10A.** Pan fo arolygydd yn cyflwyno hysbysiad sy'n cynnwys y set gyntaf o fesurau dileu, rhaid i Weinidogion Cymru sicrhau y cynhelir arolwg swyddogol mewn perthynas â'r cae a grybwyllir ym mharagraff 6(d) yn unol ag Erthygl 2 o Gyfarwyddeb 93/85/EEC.]

**Diwygiadau Testunol**

**F22** Atod. 15 para. 10A wedi ei fewnosod (20.3.2019) gan [Rheoliadau Iechyd Planhigion \(Diwygio\) \(Cymru\) \(Ymadael â'r UE\) 2019 \(O.S. 2019/674\)](#), rhlau. 1(2)(a), **5(i)**

**Mesurau ychwanegol sy'n gymwys mewn perthynas ag uned gynhyrchu cnwd dan orchudd**

**11.** Pan fo'n bosibl amnewid yr holl gyfrwng tyfu mewn uned gynhyrchu cnwd dan orchudd halogedig, ni chaiff unrhyw berson blannu yn yr uned unrhyw gloron tatws, planhigion tatws na gwir hadau tatws heb awdurdodiad ysgrifenedig arolygydd.

**Gwybodaeth Cychwyn**

**I11** Atod. 15 para. 11 mewn grym ar 2.11.2018, gweler [ergl. 1\(2\)](#)

**12.** Ni chaiff arolygydd roi awdurdodiad o dan baragraff 11 oni bai—

- (a) y cydymffurfwyd â'r holl fesurau i ddileu Pydredd cylch tatws [<sup>F23</sup>ac i symud ymaith yr holl blanhigion cynhaliol] a bennir mewn hysbysiad mewn perthynas â'r man cynhyrchu lle y mae'r uned wedi ei lleoli;
- (b) bod y cyfrwng tyfu yn yr uned wedi ei newid yn llwyr; ac
- (c) bod yr uned a'r holl gyfarpar a ddefnyddiwyd yn yr uned wedi eu glanhau a'u diheintio i ddileu Pydredd cylch tatws a bod yr holl ddeunydd planhigion cynhaliol wedi ei symud ymaith.

**Diwygiadau Testunol**

**F23** Geiriau yn Atod. 15 para. 12(a) wedi eu fewnosod (20.3.2019) gan [Rheoliadau Iechyd Planhigion \(Diwygio\) \(Cymru\) \(Ymadael â'r UE\) 2019 \(O.S. 2019/674\)](#), rhlau. 1(2)(a), **5(j)**

**Gwybodaeth Cychwyn**

**I12** Atod. 15 para. 12 mewn grym ar 2.11.2018, gweler [ergl. 1\(2\)](#)

**13.** Pan roddir awdurdodiad o dan baragraff 11, caiff yr awdurdodiad bennu mai dim ond tatws hadyd ardystiedig, cloron bychain neu ficro-blanhigion sy'n deillio o ffynonellau a brofwyd yn swyddogol y caniateir eu defnyddio yn y broses gynhyrchu.



*Statws Golwg cyfnod mewn amser fel yr oedd ar 20/03/2019.*

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Gorchymyn Iechyd Planhigion (Cymru) 2018, ATODLEN 15. (See end of Document for details)*

### Gwybodaeth Cychwyn

**I13** Atod. 15 para. 13 mewn grym ar 2.11.2018, gweler **ergl. 1(2)**

## [<sup>F24</sup>RHAN D

### Diwygiadau Testunol

**F24** Atod. 15 Rhn. D wedi ei fewnosod (20.3.2019) gan Rheoliadau Iechyd Planhigion (Diwygio) (Cymru) (Ymadael â'r UE) 2019 (O.S. 2019/674), rhlau. 1(2)(a), **5(k)**

### Darnodi parthau i reoli Pydredd cylch tatws

- 14.** Mae'r Rhan hon yn gymwys pan fo arolygydd wedi darnodi parth yn unol â pharagraff 1D(c).
- 15.** Caiff Gweinidogion Cymru bennu, drwy hysbysiad—
- am ba hyd y mae'r parth i barhau i fod wedi ei ddarnodi; a
  - y mesurau sy'n gymwys yn y parth sydd wedi ei ddarnodi.
- 16.** Mewn perthynas â hysbysiad o dan baragraff 15—
- rhaiddo fod yn ysgrifenedig;
  - rhaiddo ddisgrifio hyd a lled y parth sydd wedi ei ddarnodi;
  - rhaiddo bennu'r dyddiad y mae pob mesur yn cael effaith;
  - rhaiddo gael ei gyhoeddi mewn dull sy'n briodol i'w ddwyn i sylw'r cyhoedd; ac
  - caniateir ei ddiwygio, ei atal dros dro neu ei ddirymu, yn llwyr neu'n rhannol, drwy hysbysiad pellach.
- 17.** Rhaid trin unrhyw fangre sy'n rhannol o fewn parth sydd wedi ei ddarnodi ac yn rhannol y tu allan i'r parth hwnnw fel pe bai o fewn y parth hwnnw at ddibenion yr Atodlen hon, ac eithrio pan na fo'r rhan sydd y tu allan i'r parth sydd wedi ei ddarnodi yng Nghymru.
- 18.** Mae hysbysiad a gyhoeddir yn unol â pharagraff 16 i'w drin fel pe bai wedi ei gyflwyno i—
- unrhyw feddiannydd neu berson arall sydd â gofal am unrhyw fangre o fewn y parth sydd wedi ei ddarnodi; a
  - unrhyw berson sy'n gweithredu peiriannau neu'n cyflawni unrhyw weithgaredd arall mewn perthynas â chynhyrchu tatws o fewn y parth sydd wedi ei ddarnodi.
- 19.** Rhaid i hysbysiad a gyflwynir o dan baragraff 15 bennu—
- bod rhaid glanhau a diheintio mewn dull priodol unrhyw beiriannau neu storffeydd mewn mangre o fewn y parth sydd wedi ei ddarnodi a ddefnyddir i gynhyrchu tatws er mwyn sicrhau nad oes unrhyw risg adnabyddadwy bod Pydredd cylch tatws yn goroesi neu'n lledaenu;
  - yn ystod y cyfnod penodedig, mai dim ond tatws hadyd ardystiedig neu datws hadyd a dyfir o dan reolaeth swyddogol y caniateir eu plannu, a rhaid cynnal profion swyddogol, ar ôl eu cynaeafu, ar unrhyw datws hadyd sydd wedi eu tyfu mewn man cynhyrchu sydd wedi ei halogi o bosibl;



- (c) yn ystod y cyfnod penodedig, bod rhaid trafod tatws a fwriedir ar gyfer eu plannu ar wahân i'r holl datws eraill mewn mangre o fewn y parth neu fod rhaid gweithredu system lanhau a, phan fo'n briodol, ddiheintio rhwng trafod tatws hadyd a thatws bwyta.

**20.** Rhaid i Weinidogion Cymru sicrhau, yn ystod y cyfnod penodedig—

- (a) bod mangreoedd sy'n tyfu, yn storio neu'n trafod cloron tatws a mangreoedd sy'n gweithredu peiriannau tatws o dan contract yn cael eu goruchwylio gan arolygydd;
- (b) bod arolwg swyddogol yn cael ei gynnal yn unol ag Erthygl 2 o Gyfarwyddeb 93/85/EEC;
- (c) bod rhaglen yn cael ei sefydlu, pan fo'n briodol, i amnewid yr holl stociau tatws hadyd dros gyfnod priodol o amser.

**21.** At ddibenion paragraffau 19 ac 20, ystyr y “cyfnod penodedig” yw'r cyfnod a bennir yn yr hysbysiad, a rhaid i'r cyfnod hwnnw fod o leiaf dri thymor tyfu ar ôl y flwyddyn y darnodwyd y parth perthnasol ynddi.]

**Statws**

Golwg cyfnod mewn amser fel yr oedd ar 20/03/2019.

**Newidiadau i ddeddfwriaeth:**

Ar hyn o bryd nid oes unrhyw effeithiau heb eu gweithredu yn hysbys ar gyfer y Gorchymyn Iechyd Planhigion (Cymru) 2018, ATODLEN 15.